



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap suliaq nr. 01.31.06/07-00222 pillugu pingasunngornermi ulloq 17. januar 2007-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 7. december 2006-imi ataatsimiinneranni imm. 2e)

Kommunip inissiaataanik attartortittakkanik tunisinissaq

Naalakkersuisut inassutigaa

Inatsisartut Aningaasaqarnermut Ataatsimiititaliaata Sisimiut Kommu niat B-162-imik, B-363-imik, B-402-mik, B-475-imik, B-530A-mik, B-531A-mik, B-531B-mik, B-970-imik, B-996-imik, B-1019-imik, B-1056-imik, B-1086-imik, B-1178-imik, B-1135-mik kiisalu B-1429-mik, 3911 Sisimiut-niittunik, Nunap Karsianit tapiiffigineqarsimasumik tunisinissamut akuerissagaat, tamatumanilu kommunip iluanaarutissat Nunap Karsianut iluaqutissanngortissagai, tamatumalu kingorna kommunip iluanaarutit inissianik sanaartornermut atorsinnaassagai, kommunip sanaartorfissagissaanissaa tassunga ilaatinneqassalluni.

Aningaasaqarnermut Ataatsimiititaliap oqaaseqaatai

Kommunip inissiaatai attartortittakkat qinnuteqaammi matumani pineqartut sanaartorneqarneranni tapiissuteqartoqarsimanersoq Naalakkersuisut allattoqarfiannit Sisimiulluunniit kommunianit ilisimaneqanngitsoq Aningaasaqarnermut Ataatsimiititaliap paasivaa. Tamanna ataatsimiititaliamit toqqissisimanartinneqanngilaq. Aningaasaliissuteqarnissamik qinnuteqaatinik ilisimasassatigut amigartunik tunngavilinnik siunissami nassiussisoqanngitsoq ataatsimiititaliap neriuutigaa.

Kiisalu isummernissamut tunngavissiamik Naalakkersuisut akuersinerisa kingorna ullut 22-it qaangiunneranni Naalakkersuisut allattoqarfiata suliamik Aningaasaqarnermut Ataatsimiititaliamut nassiussinera naapertuutinngitsutut ataatsimiititaliamit isigineqarpoq.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit akuersissutigineqarput.

Inussiarnersumik inuulluaqqusillunga

Ellen Christoffersen
Aningaasaqarnermut Ataatsimiititaliap siulittaasua